

東臺縣志卷之六 考一

建置沿革

東臺斥壤舊隸海陵晉宋以來沿革頻仍置官鹽
筴南唐逮明泊平我

朝風教日興析縣分治

錫此名猗歎休哉民物蒸蒸志建置沿革

周禮職方氏東南曰揚州

史記吳世家武王克殷周章已君吳因而封之

左傳哀公九年吳城邗溝通江淮

杜預注今廣陵邗溝是此乃自江入淮非隋以後所

東臺縣志

卷之六

沿革

一

行之漕道也

哀公二十二年越滅吳

史記越世家楚威王大敗越殺王無疆盡取吳地至浙

江

六國表懷王槐十年城廣陵

通鑑始皇二十四年定楚以其地置楚郡

按秦三十六郡無楚蓋平楚時暫置後分爲九江郡

會稽三郡

通典秦滅楚廣陵屬九江郡

漢書高帝元年項羽自王梁楚九郡

五年平楚更立韓信爲楚王

六年廢信爲淮陰侯分其地爲二國以故東陽郡鄆郡吳郡立劉賈爲荆王

劉敞云東陽吳郡楚漢時置是矣班氏於丹陽郡下祇稱故鄆郡則亦非秦置也黥布封九江王都六時廣陵既不屬九江水經注淮水篇遂以廣陵爲東陽郡據班志臨淮郡有東陽是郡省而縣不廢詳攷其地當在今清河寶應之間而廣陵以東至於海皆東陽郡之南境蓋可知矣

十一年英布反殺劉賈十二年破布軍立兄子濞爲吳

東臺縣志

卷之六

沿革

二

王改荆爲吳國

地理志廣陵班氏自注云江都易王非廣陵厲王胥皆都此初不言濞故王應麟疑之然按江都王傳云治吳故國師古注治謂都之則郡國志謂濞都廣陵正與相合

枚乘傳轉粟西鄉不如海陵之倉

臣瓚曰海陵縣名有吳太倉地卽今之泰州其時尚未爲縣

景帝三年徙汝南王非爲江都王改吳爲江都國

武帝元狩六年立子胥爲廣陵王改江都爲廣陵國

地理志臨淮郡元狩六年置縣二十九海陵有江海會
祠莽曰亭門

按晉志謂分沛東陽置臨淮海陵當與郡同置或置
在二年除國爲郡之時則先屬廣陵終西漢之世未
嘗入侯國

後漢郡國志廣陵郡東陽故屬臨淮有長洲澤吳王渚
太倉在此

新府志以爲有長洲澤之上脫海陵二字而證之以
三國志呂岱傳見廣陵於建安時有海陵縣是也宋
書州郡志海陵令前漢屬臨淮後漢晉屬廣陵三國

東臺縣志

卷之六

沿革

三

時廢則司馬志中有脫文明矣

范書廣陵思王傳顯宗徙封荆廣陵王十四年封荆子
元壽爲廣陵侯食荆故國六縣

宋書志海陵縣三國時屬魏

晉書地理志太康元年增置郡國廣陵郡統縣入海陽
有江海會祠

按宋志海陵三國時廢晉太康元年復立不言改名
海陽則陽字恐卽陵字之訛新府志引簡文紀毛瓌
傳以證之蓋晉志舛駁本多不如沈約之書爲可據
也

手璩傳海陵縣界地名青蒲

青蒲在東臺西南境上今謂之青蒲角

地理志安帝分廣陵郡之建陵臨江如臯寧海蒲濤澤
縣置山陽郡

宋州郡志海陵太守安帝分廣陵置領縣六建陵臨江
如臯寧海蒲濤臨澤

按方輿紀要建陵廢縣在泰州東北七十里本東海
郡屬縣義熙中僑置於此新府志以爲今東臺境是
也海陵置郡與山陽同時其治卽在建陵宋齊兩代
因之不改而海陵縣仍屬廣陵故新府志以晉志山

東臺縣志

卷之六

沿革

四

陽二字爲海陵之誤郡所屬本五縣宋太豫益以臨
澤齊永明益以齊昌海安今寧海廢縣在縣境而海
安鎮在泰州與縣接壤則今之東臺當卽晉宋之建
陵兼有寧海及齊之海安地歟

隋書地理志江都郡統縣十六海陵梁置海陵郡開皇
初郡廢又并建陵縣入

據此則梁以海陵郡移治海陵而建陵乃其屬縣後
郡地入齊又入陳尋又入周而建陵之屬海陵郡未
有改也至隋郡縣俱省而建陵之地仍統於海陵縣
矣

新唐書地理志揚州廣陵郡領縣七海陵武德三年更名吳陵以縣置吳州七年州廢復故名來屬景龍一年析置海安縣開元十年省有鹽官據此則景龍析置之海安凡今東臺全境皆當屬之而所設鹽官必在今東臺境也

太平寰宇記泰州本揚州海陵縣僞吳乾貞年中立爲制置院僞唐昇元元年升爲泰州領海陵泰興如皋興化鹽城置海陵縣爲監管鹽場八南四場北四場十場志不載沿革證之他書亦不能遍攷

圖說海陵監在州東北東臺場東臺之名始此

東臺縣志

卷之六

沿革

五

文獻通考泰州周爲團練宋降爲軍事屬淮南東路後以鹽城屬楚州領縣四海陵興化泰興如皋

宋史地理志紹興十二年割泰興隸揚州建炎四年又以興化隸高郵軍縣二海陵如皋

又云開寶七年以海陵監移治如皋

新府志云移監如皋別置西溪鹽倉孝宗乾道七年罷鹽倉置官鹽場

元史地理志至元十四年立泰州路尋改爲州隸揚州路領縣二海陵如皋

史地理志揚州府泰州洪武初以州治海陵縣省入

羅縣一如皋

新府志云洪武元年置西溪鎮巡司正德十五年改置泰州分司駐東臺場按西溪巡司本非鹽官且其官直至東臺分縣時始行裁革而分司實於洪武初已設之并非改巡司爲分司也改置字誤

國朝雍正元年置水利同知駐東臺鎮乾隆三十三年省東臺同知析泰州地置東臺縣與分司同治屬揚州府隸江寧布政使司

附錄奏稿部議

三十二年兩江總督高晉等奏揚州府屬之泰州襟

東臺縣志

卷之六

沿革

六

江濱海環列東臺等十鹽場東西廣二百九十餘里南北袤一百二十餘里週圍綿亘八百里統計村莊一千九百餘處幅幘遼濶煙戶繁多一切刑錢事件甲於他邑知州一官實有鞭長莫及之勢查州之東臺鎮地方離州一百二十里毘連何梁地廣人稠爲州東第一大鎮向設同知一員駐劄其地專司興泰二邑串場各河及各處閘座并鹽場詞訟等件惟是同知係屬佐貳并無地方之責凡遇命盜重案仍歸知州審理卽一切自理詞訟每有原告控廳被告復赴州具控彼此紛爭反多牽制若將同知裁汰改設

知縣分疆管理則濱海重地控制得宜實與吏治民生大有裨益仰懇

聖恩俯准將原設東臺水利同知一員裁汰卽於東臺地方改設知縣一員將附近村莊劃爲疆治所設新縣卽以東臺同知衙門改駐毋庸另建至應設佐雜教職查泰州向設州同州判吏目三員巡檢三員學正訓導二員今旣請分縣將該州州判裁汰改移水利縣丞一員專管分縣水利閘座事宜其西溪司巡檢一員請裁汰改設新縣典史儒學教官應將泰州訓導改隸分縣訓導毋庸另請添員所設縣丞卽令分

東臺縣志

卷之六

沿革

七

駐西溪鎮以資彈壓該處原有裁汰巡檢衙門可以棲住亦毋庸另建此外應行添改吏攢快皂弓兵等俱於各州縣酌量抽撥惟所需倉庫監獄典史訓導各衙署應請添建如蒙

俞允臣等再將分隸村莊地畝戶口確數及更定養廉役食等項另行查明定議具題辦理所有新分縣治并懇

定佳名永昭遵守謹合詞具奏

三十三年部覆議准泰州地方裁汰東臺鎮同知改設知縣一員劃界分治已奉

旨定名東臺所有分隸一切事宜行令按欵核議查東臺新縣地處下河東面瀕海應請定爲繁疲難三兼沿海要缺其泰州知州原係三兼要缺應仍其舊至東臺縣印信及東臺縣訓導條記該督等既經擬定字樣當照例鑄給至縣丞關防先經河道總督冊開東臺縣管河縣丞關防字樣咨送到部現在鑄給新縣養廉先經該撫奏請在現裁東臺同知及酌減通省事簡各州縣養廉內抵給業經戶部覆准縣丞典史養廉應准其以裁汰泰州州判巡檢養廉抵支新縣縣丞典史俸銀亦應准其在裁汰俸銀內撥給編入俸

工項下支銷餘銀解司充餉新縣應設各役除門子馬快轎傘扇夫以裁存同知衙役撥給毋庸增添至同知裁存皂隸十二名據稱知縣事繁不敷差遣須再加添四名應准其在泰州興化二州縣各抽撥二名民壯照中縣撥給三十名於阜寧縣抽撥十名丹徒縣抽撥五名常熟昭文奉賢金山青浦等五縣各抽撥三名庫子三名准其在溧水高淳江浦三縣各抽撥一名斗級二名准其在沐陽贛榆二縣各抽撥一名禁卒五名准其在海州蕭縣碭山邳州睢寧五州縣各抽撥一名所需工食應准其在於東臺縣地

丁銀內支給統於地丁奏銷案內分晰造報其各州縣裁撥各役原編銀兩解司充餉鋪兵五名除東臺地方舊設一名外應添四名准其在於泰州簡鋪內抽撥知縣照額設典吏十二名縣丞典史訓導攢典各一名准俟新員到任選充五年役滿照例考職縣丞典史各役准其卽以裁存州判巡檢各役撥充所需工食將原編銀兩分撥新縣支給訓導齋夫一名膳夫一名門斗一名准其在泰州學撥給所需工食亦於泰州原編銀兩抵給其僧道陰陽醫各官准其在於僧道陰陽醫內遴選合例者咨部給與部扎奉

州額進文章二十五名應准分撥新縣十二名廩增各二十缺內分撥新縣各十缺新縣出貢三年一貢額進武童十五名應准其分新縣七名常平倉應貯穀二萬石准其在附近州縣溢額穀石內撥貯所有社穀應仍令設立社長經理至冊開鳳倉旣經劃界東臺縣該縣漕米應准其在鳳倉收貯城垣勘明另行請建東臺地方係泰州營向設把總一員兵十四名今分設新縣需防守遞解等事不敷差遣應准其在於泰州營各簡汛內抽撥兵十六名共兵三十名設遇緊急差務於附近安豐汛兵十名通融調遣防

守差操各開河道准其將揚通二屬者歸揚糧通判
管理鹽阜二縣者歸淮安府海防同知管理季報人
計出該丞俸考核裁汰泰州州判王謨西溪司巡檢
葛琪既係河工人員准其仍歸河工委用同知衙署
改爲知縣衙署西溪司巡檢衙署改爲縣丞衙署典
史衙署新縣科房准其建造常平倉監獄學宮學署
文廟各壇養濟院准其購覓地基建造并建置籍田至劃
分田地區置戶口人丁銀米牙典各稅數目應令逐
一查清勘估分晰造冊報部并將建造典史衙署常
平倉監獄學宮學署等項應用工料銀兩據實確估

造冊送部查核其應造賦役全書并候補選文武官
員弁舉貢生員監生士著籍貫應俟分定區置造報
新縣應設孤貧准其在於泰州額設孤貧二百十名
內酌分八十四名所需薪水卽以原編銀兩分撥支
給其田房稅契錢糧泰州每年額徵銀一千一百一
十三兩六錢今該州劃分新縣應准其照額各半均
分如有盈餘各自儘數報解統於奏銷案內分晰聲
明至滕北壩應徵牛驢商稅盡坐州城關廟地方完
納無可劃分仍歸泰州經理再江南省州縣每年俱
編修理監倉銀五兩今設東臺縣所需銀兩准其在

裁汰之西溪司巡檢原設弓兵工食銀十八兩內抵撥五兩改歸新縣地丁銀內編支其餘十三兩裁歸地丁充餉一切地方巡緝承追承變承審等件俟新縣蒞任分界後扣限辦理八月二十四日奉

旨依議

嘉慶二十一年五月總督百公齡總河黎公世序署巡撫楊公護會奏淮安府屬之阜寧縣地方寥廓政務殷繁請改爲沿河要缺在外揀員陞調查有揚州府屬之東臺縣係於乾隆三十三年分泰州地增建定爲繁疲難沿海要缺彼時分設新縣因泰州係屬

東臺縣志

卷之六

沿革

十一

繁疲難要缺前部臣亦將東臺定爲兼三沿海之缺惟當時以距泰州稍遠恐稽察難週故稱繁重今自分縣以後五十餘年該令循分治理尙非艱劇之所雖地方夾雜場竈而較之江省各沿海要區殊爲簡易可以改爲繁疲兩字中缺歸部銓選卽與阜寧縣改繁互換以符成例庶於銓政地方兩無窒礙經部議覆阜寧縣知縣准其改爲繁疲難沿海要缺在外揀選調補其東臺縣知縣改爲繁疲中缺嗣後缺出歸部銓選奉

旨依議

東臺舊無建置而沿革則有之自漢以來其沿革
視乎海陵自宋以後其沿革視乎泰州獨自晉之
義熙以迄乎南齊之終儼然爲淮南望郡者九十
餘年豈不偉哉今建陵廢城在縣境西南居民猶
能道其遺址故特詳著之使覽形勝者有攷焉